



秋聲集卷之三

元

樵川

黃鎮成元鎮

著

同郡後學何望海若士較

明

杉易

蕭士駿伯房

陳九如葵若

編

綏安

徐中恒叔亨

五七律

春日山行雜興

四首

出郭晴光遠臨高逸興賒路經棲鶴地山入種

桃家石頂尋雲母松根飲雪花故人留宿處朝
飯有胡麻

山翁留客住自說樂餘年日養分男舍春耕稅
主田雨泥朝過鹿山木夜啼鷓鴣黍煩相勞桃
花出釣船

城郭心何補煙霞迹未踈抱琴多勝地得酒卽
吾廬夜候丹砂火春尋石室書黃緣到幽絕高
士亦巢居

夜宿東屯月朝行北渚雲地穿龍虎氣星列鳥
龜文白墮仙家釀青精野客分人言王子晉笙
鶴至今聳

春雨南田書事 三首

流水三椽含桑陰五畝田飯香分野碓茶熟候
山泉石榻看雲坐谿窓聽雨眠桃花川上路應
有釣魚船

瓜圃通鄰巷柴門接野蹊賣薪歸早市行餉汲
寒溪野鷺山前落林鶯雨外啼客來渾不荅孤
絕正幽棲

草徑交騰畔花村曲水隈
夜燈鄰屋語晨弩獵
人猜石閣雲祇樹溪添
雨沒苔已無稅事到終
日面崔嵬

鉛山早行

早起辭林館隣雞已再
鳴月弦當戶直斗柄插
山高細濕侵藜杖輕寒
襲布袍前趨東日上五
色動雲濤

題三礪鄭氏耕隱所

故人耕隱處一壑樂餘
閒遶舍流春水當門出
曉山課童歸雨外畱客
住雲間尚恐違溫清城
中日往還

三華吳宜甫桃谿十詠

本原樓

樓閣依山外高居白日
長樹陰浮石潤雲影入
江涼宴坐涵千古遐觀
納八荒此時天籟寂虛
白自生光

旦氣軒

曉起憑虛檻蒼涼羽翰
輕五雲開日觀三島接

霞城雨歇連山淨塵銷止水平試循嘉種看新
綠自欣榮

半月池

鑿地通泉入冰輪隱半規水涵光澹澹雲度影
遲遲坐引流杯稱書添洗硯宜蛟龍得風雨終
去躍天池

綠玉洲

種竹滄波上春深長萬竿晴琴依水潤夏簟入
林寒渭畝夸千戶河菑頌百官主人持勁節留
待雪霜看

濯纓泉

石潤通山氣甘泉二派流霧浮丹穴暖冰浸玉
壺秋遠達朝宗志深懷澤物憂濯纓無限意風
雨滿滄洲

白雲塢

川上桃花塢春風十里程遙遙青嶂合隱隱白
雲生草閣遮難覓芝田潤可耕從龍當作雨膚
寸起天行

釣魚磯

溪上收殘雨沙邊水落新掃苔留坐石投餌得
游鱗客至初蒞酒僅歸旋析薪住山元不惡物
色莫相親

納稼畝

谷口躬耕日秋風穫稻梁地腴登歲事天角兆
豐祥野爨青精熟山甌白墮香此身雖畎畝一
飯豈能忘

藝麻圃

舍外環麻圃千畦翠玉林補紉紅女意種樹逸
民心夜績分鄰火寒櫬雜曉砧年年榮雨露衣
被及人深

懷濟舟

溪上桃華雨堤痕半沒沙永懷舟楫利何恨水
雲賒赤壁凌仙袂銀河送客槎傳岳應一起未
許伴煙霞

登南山蘭若

開基臨絕頂居與鹿爲群一逕落紅葉萬山生

白雲石梁秋蘚合茶竈午泉分此地多苓木長
應侶隱君

乘涼

借屋依喬木乘涼愜病身日回山有影風遠竹
無塵除地平施榻攀條側掛巾應携龐老宅真
作鹿門人

得雨

十日得一雨今晨初入秋游饑期一稔嘉遯樂
三休綠苗晚菘圃黃收先稔疇太平耕鑿好群
盜勿相讐

南山紫雲山居

十首

一宿南山頂仙凡此地分河明疑有浪天近更
無雲月色初秋見泉聲徹夜聳紅塵飛不到其
與鹿爲群

紫雲當七夕織女度銀河絕頂瞻星近浮空見
月多仙家還杼軸人世自干戈抱拙何煩問臨
風一浩歌

一衲紫雲間幽居丈室寬無求塵世遠不語道

身安茗淪薪爐沸
瓜沉石井寒似君精進力得
法諒非難

樹老秋仍露山空晚更蟬
雨添春藥水雲濕種
瓜田對榻僧長坐聞鍾客未眠
自應麋鹿性踈
散愛林泉

伏日不知暑泉流山四圍
竹風渾却扇松雨欲
添衣逸老爲家好逃喧
過客稀虛亭無戶牖
冉冉白雲歸

絕壑開闌檻遙峰展畫圖
雪翻僧供鉢雲遶佛
香爐接板橋橫澗連筒
水入厨杖藜行藥去九
節得苜蓿

竹露連岩際松風滿坐隅
水春如有節山鳥似
相呼暑雨收嵯峩
晴雲斲土酥月高秋萬宇
身世一冰壺

碧巘明霞外秋山畫不如
染成紅瑪瑙削出翠
芙蓉渠五老天邊見
三神海上居坐來高月上
聲落晚鍾踈

閑士來何處談空坐夜分
五山携杖月三楚
染

衣雲塔禮旃檀相臺繡貝葉文南峰尋道侶吾
亦偶相聳

絕境紅塵遠高居白日長僻宜人不到靜與世
相忘宇濶星辰大山虛水石涼翠屏天外立秋
氣晚蒼蒼

八月稍告旱時雨沛然

天際雲初密山尖日尚明疾風搖竹亂斜雨射
窓鳴濯熱乾坤德悲秋缺畝情又聳鄰寇警飛
檄報徵兵

八月

白露下山城秋風一夕生遠山晴若近微日晦
還明南國登禾黍中原洗甲兵惟應餐沆瀣雲
表桂華清

冬夜

室暖如冬候更長識老情客氈初夢覺隣燭更
書聲漏緩風傳遠窓虛月透明自存中夜氣起
咽玉池清

苦熱

展書成坐睡就枕卽無眠情氣傷頽景孱軀畏
暑天樹陰靈隱路溪冷武夷船未得乘風去懷
人意惘然

感事

忽得西軍報驚聞氣愴然鼓聲沉白日旗影落
青天憤切居妨食愁深起輟眠王師宜壯直卽
聽凱歌旋

還家

避難三遷久還家一歲餘亂中全子舍兵後保
先廬池廢草留密徑存林伐疎室堂聊訊掃未
敢計空虛

至節

至節新陽候關山戰伐場沍霜宜應序初日漸
舒長草蔓寒終隕梅花靜自香預謀煙艇好春
暖釣滄浪

題朱澤民畫山水

與客浮湘水琴書共一舟雲間雙樹曉天外數
峰秋指顧銷塵慮棲遲發擢謳未知身是畫明

月滿滄洲

麻姑一宿

絕谷寒聲淺陰堂翠色交
蹋書摩蘚石炊黍入
烟稍瀑落投龍洞雲歸
養鶴巢誰能招我隱未
用解人嘲

學稼

學稼存吾事居山樂有年
地收鍾一畝人糴斗
三錢曉雨丹林外清霜
白鴈前爲謀鷄黍具邀
客共談玄

斛蘭三開有懷蔣師文

白露滋蘭斛寒花晚更留
香臨日午靜孤耐客
心幽夜月連千里天風
薄九秋故人江海去相
憶負同遊

東陽道中

出谷蒼煙薄穿林白日斜
崕崩迂客路木落見
人家野碓喧春水山橋
枕淺沙前村烏桕熟疑
是早梅花

里敦田家

去市二三里居山八九家
雨餘添菜莢霜後出
梅花穀稔冬饒酒泉甘
日美茶俗淳人事簡容
我做煙霞

冬春連雪

南北躑危日乾坤老大身
深山一月雪故歲兩
年春宿麥抽晴早寒梅
破臘新欲談當世事高
唱若無人

社日

嶂隱層層樹溪流片片花
看雲連石室聽雨滿
山家日短書疑字牙踈
飯怯砂日長初試水分
得社前茶

寄雷隱上人

最憶高人住翠微萬岳千岫
雪消時林階月在
行香早石屋雲多出定遲
棲樹有僧留聽法看
泉無客和題詩松關不鎖
容相扣定覓春山食
紫芝

春日東行

春郊冉冉散晴暉芳樹頻
聳一鳥啼山驛水流

花落盡石田雲暖麥抽齊禪房鑿路當崑崙半釣
屋維舟近竹西行過野橋人語近尋源應到武
陵溪

題秋江把釣圖

獨載輕舸過碧川一綸牽動楚江天蘆邊有月
還吹笛柳外無風不繫船留火夜然湘岬竹得
魚朝送酒家錢十年湖海真知盡亦欲狂歌一
扣舷

遊麻姑山用蔣師文韻

紫霧龍鸞月裏遊白銀宮殿海中洲麻姑宴罷
壇猶在葛令丹成井獨留滴雨浮嵐空翠晚飛
花散五瀑簾秋誰能共食金光草來住仙家十
二樓

雙溪客館

江關風壤故相接江閣感時還念家白鳥飛去
船着岬青魚上時人浣紗仙壇扶登借筇竹野
客進飯留胡麻城下新水長三尺裹糧明日共
乘槎

舟過石門梁安峽

書盡船頭載酒迴滄洲斜日隔風埃一雙白鳥
背人去無數青山似馬來天際雨帆梁峽出水
心雲寺石門開同遊有客如高李授簡惟慚賦
峴臺

送憲幕陳時中分題得平章河

海國猶傳利澤功滄溟縹渺百蠻通潮來估客
船歸市月上人家水浸空析木星辰三島外搏
桑宮殿五雲東河梁此日重携手目送靈槎萬
里風

晚晴書事

白鶴樓西晚雨涼欲晴山氣遠蒼蒼鴉舍落日
歸平楚鴈背殘霞上越陽溪崦築茅堪理釣畚
田收禾好休糧秋風有約巢雲去却擬狂歌學
楚狂

平楚越陽郡城二臺名

三衢夜泊

涼夕清江弭楫徒拍浮身在太空虛星河光動
牛女宅風露氣逼鮫人居去郭晴天更鼓遠連

灘永夜水春疎人間萬事豈足累扁舟歸釣槎
頭魚

金原先壑之側湧泉其潔

山下流泉冷沁冰
渌荒開甃貯其澄
穴通海眼魚龍沸
波溢田膏雨霧蒸
茶鼎夜寒分石乳
藥鑱春暖洗雲層
尋幽有約烟霞侶
萬壑千巖擬共登

西陵渡

日午移舟出輿隈
謹呼走趁百人回
潮依草畔痕初落
風拗蒲帆影半開
極浦海門生霧雨
隔江烟樹起樓臺
中流淡漫魚龍過
勇陷危梳亦壯哉

明州西渡

西埧津頭望海濤
揚波捲雨日泊泊
一江風起晚潮上
半夜舟行山月高
葭菼連空迷雪舫
魚龍吹浪濕宮袍
乾坤不碍身如葉
我亦螟蛉笑二豪

會稽南鎮廟

巨鎮東南表海邦
玉書金簡昔人藏
雲從禹會奔侯國
星列周官奠職方
已祝洪釐尊社稷
更磨貞勒寫文章
幅員今已同王制
勅使年年攝薦璋

臨川青雲亭

平野荒荒雉堞低
一峰闌檻與雲齊
斗牛三尺龍光照
城郭千年鶴爪題
白雨來時江水北
青山盡處夕陽西
古來亦有憑商客
樹影蒼涼遶大隄

金原營小舍割山中田畀守者

烏子情孤淚滿襟
手移丘木已成陰
丹砂不換千年骨
白髮空啣九地心
自託烟霞謀卜築
每勤霜露寄登臨
傳家未得成先志
敢墜遺言付託深

宿富沙水西

有玉觀相傳漁人入水見宮殿扁曰五清洞天二人對奕歸家人無在遂仙而去

溪上千峰樹羽旄
溪灘漱玉夜聲豪
霜前鼓角凌風迥
月下樓臺隔水高
北苑九重傳貢茗
東

陽千日醉仙醪人間歲月棋邊換歸住山中學

種桃

比苑茶東陽醞土產云

雅正卿壻別都魯沙迓憲使歸漢陽

纔聞征旆入三神又矚歸鞚過七閩仙籍九天
承雨露使華千里動星辰江間木落雲帆冷雨
後梅開水驛春亦欲登樓乘夜月幾時來食漢
江鱗

章表嶺

三華西上章表嶺鳥道凌空最阻脩從龍雲氣
皆在下旋蟻天文如上浮花竹一家巢絕頂烟
塵九點認齊州欲尋王子營丹處玉宇高寒不
可留

送危山人歸江西

山人歸去大江西龍虎經文肘後携江漢地分
南紀遠斗牛天入北辰低桃流谷口泉初落杉
擁關門鳥自啼已辨登臨幾雙屐僕君來往踏
晴泥

題定武蘭亭

繭紙香隨玉匣遺寶書天上世難知狼烽幾墮
昆明劫蟬翼猶傳定武碑曉雨苔花侵搗石秋
山柿葉費臨池東都已往誰能繼神物終煩謹
護持

贈張孟琛

江海張公髯欲華每從吟屋寫梅花逢人處處
能知己作客年年易別家閩嶠午山生霧雨洞
庭秋水落蒹葭河源八月西風便天上還乘奉
使槎

韋子漁白雲畦

越城高倚白雲畦岷岷下華堂向水開千嶂落霞
秋樹老一江疎雨暮帆迴清樽款客稱文舉絲
服娛親憶老萊何日膏車從子去賦詩因上雨
花臺

送詹景仁赴江陵軍民總管

開府南條最止州古今形勝一登樓三巴洶洶
魚龍窟七澤蒼蒼橘柚洲閭井寓兵生聚遠詩
書謀帥捐猶周仲宣亦有從軍賦遙望西江李

郭舟

時杜清碧同載

湖廣提舉黃子肅挽詩

太史周南久滯留
俄聞歸視有孤舟
人間化鶴輕千歲
天上騎鯨隘九州
漢水悠悠紅樹晚
閩山寂寂白雲秋
詩宗密印誰相付
宿草青青有首丘

二山九日示鐵克圖

九日南州尚滯留
高風寒鴈獨登樓
自憐白髮誰爲客
欲買黃花只負秋
南國美人鸚鵡賦
北庭公子驪驪裘
不愁大地風霜苦
更擬吹笙過十洲

虎溪三笑圖

栗里先生不鼓琴
偶携明月到東林
白雲滿地蒼苔濕
流水一山春雨深
歸路已忘言外意
過橋誰識笑時心
人間俯仰成陳迹
傳得高風說到今

鼓山靈源洞

有劣崩天風海濤
亭碣水岩

劣崩峰頭萬丈梯
上方高與白雲齊
青山盡處

海門澗紅日上來天宇低
喟水無人空宴坐磨
甍有客謾留題飄然欲御長風去
一笑何煩過
虎溪

元正陪宴奉東黃庭美

憲使韓公時按部

玉帛充庭會百僚衣冠陪位集
三朝烏臺凜凜
顛層雪龍闕蒼蒼麗九霄入面酒和春意動
插頭花暖曙光搖兩生禮樂成
迂事翻對東風憶
舜韶

和揭希常立春

玉律頒春謹授時
銅壺傳箭漏聲移
曛曛曉日
開黃閣習習和風拂
畫旗絲杖三環迎
氣早華
筵六豆醉歸遲
小車行處花如錦
徧洛陽
園總
是詩

乙亥閏十二月重改仍至元

玉殿垂衣儷典墳
喬雲承澤浹乾坤
歸餘不數
秦終閏紀曆重瞻
漢後元萬里
畊桑環海域
一
溪漁釣老烟村
願聞龔魯爲州邑
亦欲承風造
羨門

谷陳季權貽新曆

山中無曆紀流年不記春深欲種田正朔又新
頒郡國封題猶及到林泉鳳聲吹律時成歲龍
角回杓斗振天白日舒長同化國滄洲閑理釣
魚船

辛巳還光邑祖居上井約江少府同到

東井田廬故業非十年風雨寸心違江湖水濶
冥鴻去城郭春深化鶴歸桑梓盡隨黃壤化松
楸空望白雲飛梅仙此日能相約竹杖相携上

翠微

秋風

秋風淅淅生庭柯蕭蕭木落洞庭波紅樹夕陽
蟬噪急白蘋秋水鴈來多王孫不歸怨芳草山
鬼欲啼牽女蘿蒹葭蒼蒼白露下望美人兮將
奈何

舟過大茅洋

漲海渾茫寄一桴候神東去接方壺帆隨雪浪
高還下島波冰天有若無鴈影斜翻西日遠潮

聲直上晚雲孤投緇擬學任公子掣取封鱸飮
萬夫

補陀島

一片雲帆駕渺茫東臨絕島拂扶桑九天波浪
隨星客萬壑魚龍覲水王日觀遠開溟澥動雲
臺倒浸白花香候神海上應相見爲覓安期却
老方

胡文璧歸池陽就赴瀾關

送子先登赴棘闈大江東又瀾江西天連楚樹
山雲濶雪湧吳潮海浪齊仙桂引香蟾兔近客
槎乘便斗牛低鄉英上合中興將聞道天門榜
已題

錢塘

雨過高風發屋聲吳中暑退却寒生晴光入眼
園林薄夜氣侵人枕簟輕寺鐸呼風宵自語隣
梳織月曉猶鳴江湖處處悲秋客起束歸裝不
待明

題林處士故居

先生勝隱得孤山小艇沿湖日往還自愛烟霞
居物外豈知名姓落人間鶴無過迹苔痕老梅
自開花月影閑表墓有銘祠有奠高風千載更
廉頑

贈葉山人

仙巖溪上葉山人手佩青囊太古文北極池從
林邑下南條山到蜀江分尋源屢識蛟龍宅探
穴長隨虎豹群更約秋風清霽日與君高踏萬
重雲

贈曾鍊師

聞說玄都會鍊師曾從海上識安期游山採藥
辭家早掃石看雲出洞遲醮罷每棲雙鶴樹丹
成時浴九龍池長年別有壺中樂消得仙人幾
局棋

曾善棋

歲十有二月庚寅立春丁亥之春也

生甲逢春六十周乾坤俯仰一虛舟歲寒冰雪
梅堪賦物外烟霞鶴與儔夜火流丹燒藥竈午
泉分乳試茶甌吾心已定身何繫極目閑雲任

去留

用韻酬涂啟仁傳鈞永午日聯句兼餉余

酒

西江迴棹遡烟濤南谷登樓碧四遭兩戒山河
隨蠟屐十年風雨重綈袍樽開北海雲鯨浪句
禿中山月兔毫更憶迂翁伴仙客遣分朋酒慰
離騷

昭武圖經載天子岡越王駐獵之地樵木
時得古瓦有羅紋鴈翅之狀堅緻如石

以時考之千數百矣感而賦之

北平山上越王城獵騎如雲此駐兵瓦礫不隨
塵土化市朝空逐海田更鴻泥雪點深深無跡鴈
翅羅紋碎有聲訪古獨來舒望眼萬峰浮翠入
天明

李氏妹夫仲章歸自襄陽

子到方城漢水西客帆烟雨幾程期襄陽耆舊
更安在峴首風流今有誰隱去亦尋龐氏宅醉
歸還過習家池可能人事非前日曾問青山知

不知

秋聲集卷之四

元

樵川

黃鎮成元鎮

著

同郡後學何望海若士較

明

綏安

徐中台伯朗

何天根玄倩

編

蕭士騏仲良

七言絕句

富沙道中

溪上北風天
雨霜野田高
下散牛羊
前村落盡

烏柏葉無數人家在夕陽

谷口

谷口橋邊日未斜先尋宿處近梅花分明聽得
吹長笛祇隔紅闌第一家

谷口橋邊尋隱君山中幾時耕白雲清霜滿天
相葉赤石上水聲終夜聞

松江欸乃題李復禮松江漁者圖卷

松江渡頭開釣船松江水碧秋粘天夜來酒醒
山月上祇在蘆花深處眠

釣魚莫釣斑子肥榜舟莫近彭郎磯磯頭日日
風和雨彭郎吹浪濕人衣

春日行近山

道人聞住集靈壇春日尋君一里山行到竹房
燒藥處仙家只在白雲間

門外山童掃落霞問師還只在山家推窓引客
雲邊坐自扇風爐煮雪花

春山程鍊師山房

春山道士不飲酒顏如丹渥氣如虹不是出山

歸較晚貪看明月過橋東

春山道士不辟穀自斲芝田種白雲昨夜石壇
明月冷一聲長笛半空聳

過福山僧不遇

香積厨邊華雨紛繙經臺上柏煙焚不知飛錫
遊何處應在天台看白雲

新城道中

苦竹黃泥十里餘一村煙雨暗平蕪清楓渡口
半可涉無數山禽留客酌

清風逆旅

繫馬門前日正亭與君相見問知名感君意氣
侶相識聊贈木桃將遠情

妾家本在湘江住湘江水深歸路長聳君有便
過湘水憑寄音書還故鄉

南田夜雨

四簷春雨夜浪浪記得吹笙近竹房三十五年
江海夢又隨歸鴈過瀟湘

遊麻姑偶題

借得丹爐煮石泉樓居一日近神仙偶然吹笛
下山去又過人間五百年

題鄭子聲畫

能畫能畫鄭廣文丹成揮手謝塵氛不知笙鶴
遊何處留得瀟湘一片雲

南田耕舍

跨鶴來尋處士家迢迢空翠隔煙霞山童揖客
松邊坐却背春風掃落花

山下雲收宿雨涼一溪流玉自宮商松陰滿地
苔華濕坐對爐煙白日長

行到長松野水間吹簫石上不知還嵐光已重
衣裳冷自扣岩扉月滿山

松下携鏡採茯苓一山紅葉正縱橫因留石上
雲生處又聽冰崖瀉瀑聲

題麻姑圖有懷蔣師父

曾宿丹霞十二樓水亭風館不勝秋故人天上
無書到自展山圖看雪流

山居春日雜吟

五色雲開日上東，騰寒銷盡得春風。秦人自愛桃源好，新酒家家有醉翁。

白髮盈顛又得春，自將平日省吾身。胸中俯仰無慚忤，度外從天不在人。

南北東西經亂離，閑思往事只堪悲。山中落盡梅花片，同賞春風更有誰？

平生海岳舊心期，萬里風雲入夢思。今日獨從高處望，偶逢林寺一題詩。

紫雲山

六月久旱連禱輒應

甘澤中宵下建瓴，一簾秋意枕邊生。名山有禱神如在，聽取村村打稻聲。

題梅花太極圖

太極在物物中不獨梅也而梅開冬熟夏得六陽之

純氣華得受采之全色實得曲直之正味是梅為植物之尤異者中明繪為十圖以見太極之初終蓋表而出之也故各賦其事云

太極無朕

萬里江天欲雪時，石梁斜路枕寒漪。山翁擬覓春消息，踏遍青苔未有詩。

氣化有形

吟屋蕭疎霜後村江頭千樹欲黃昏等閑又被
春風覺添得寒稍月一痕

性質合凝

携杖來尋碧玉泉千林紅葉晚霜天何人寫得
琴中意盡在疎枝淺水邊

風神全具

曾向燕雲盡裏夸孤山流水斷橋斜祇今殘雪
疎籬外始見江南第一花

含春待放

行到湖邊處士家春風籬落近晴沙應將絲筆
題新句直待滿林飛雪花

得月齊開

幽芳一點無塵到况是月明霜夜深恠得陽春
滿天地溪橋千樹五成林

疎影橫煙

霜姿月骨夜稜稜亦有輕煙一帶橫聊似染空
成淡影幽香不減向來清

寒枝壓雪

雪枝擎重爲花惜怯冷應開春色中勁節始知
金斷日歲寒終謝玉成功

歛華就實

山亭流水雨初歇楊柳橋頭花正飛直待清陰
成子日與君携酒送春歸

待用調元

疑姿已得木味正鍊粹復專陽德純大用寒歸
調鼎實生生無盡一腔仁

早春感興

風雨生寒七日春梅花落盡杏花新欲談舊事
推時變無復當年行輩人
生際華夷混一年老從耕鑿遇堯天春和着物
皆生意豈是乾坤雨露偏

一室虛明白晝閑圖書左右坐中間豁然隱几
無人到身在白雲深處山

石壁山前春水生畬田雨後課童耕交游半是
漁樵客使者無煩問姓名

時部使者劉公有薦章

春夜聽雨有懷

孤客曾聽夜雨眠一生江海已華顛吟懷不與
春風隔謾憶簷聲五十年

天地飄飄老此身一懷幽思爲誰伸春來猶有
登臨趣擬向山中覓故人

天上仙人玉筍班殷勤贈我翠琅玕相逢不復
傷遲暮知己能傾一語難

宿武夷

秋日停車宿武夷石壇雲館近天梯幾時來此
山中住結箇松巢伴鶴棲

李中明秋山小景

家住夕陽三峽口人行秋雨二嶠間不知何處
真堪畫移得柴門到楚山

山家四首

十里南田去郭賒不因無事却移家纔分宿火
添香注又酌山泉煮茗華

家住桃花源上村編松爲屋鹿爲群匡床盡日
臨門坐閑看青山起白雲

野衲來棲半屋雲一單猶貯貝多文問他城郭

山林事手數輪珠默不聞

石洞懸流瀉碧岷石橋幽磴抱雲迴樵人共我
山頭看知是吹笙跨鶴來

題李氏甥彥博所藏枯林蘭石

幽芳冉冉路雲深白石滄江見此心零落佳人
在空谷自彈秋月寄瑤琴

聞鷄

曾催月影倒寒窓又促征車拂曉霜湖海故人
今白髮五更孤枕淚浪浪

秦原嶺

山行盡日不逢人五里松風十里雲還有道家
燒藥處時時笙鶴半天聞

和周凌雲秋日光邑山行韻

閩嶺秋深水樹涼原田耕穫歲時必無人盡得
農家樂雨過青疎白稻香

贈染棧周方大

曾見東溟湧日輪霞流丹穴錦回文蓉城昨夜
西風壯捲入春膏五色雲

贈海中所藏顧定之竹

凱之遺墨在人間風起蕭蕭萬葉寒何日携琴
踏青蘚雨華臺上聽琅玕

方壺墨竹

方壺仙人灑香墨矛戟縱橫八法中青鸞舞罷
秋水闊珊珊飛佩凌天風

憲椽孟伯真

杜老題詩不到閩千年風物跡猶陳郎今海內
傳新句直待邯鄲孟伯真

黃月潭

平生山水最相親蠟屐長隨野鹿群未似月潭
雙足健東南踏遍萬重雲

樵陽八詠用陳教和周東園韻

五曲精廬

歌擢曾窮九曲源精廬迢遞隱屏前閑尋五曲
樵溪上三十六峰秋滿船

萬峰梵剎

雲館高車最上降遙林清逼翠微宮下方塵土

不可到五色日麗扶桑東

石鼓松風

蛟鼉斫斷蘚痕斑萬壑蕭蕭響珮環溪館夢回
山月冷滿天秋影聲珊珊

丹臺梅月

羽客丹成去此臺獨聳笙鶴夜歸來幾回欲問
臺邊月晴雪梅花冷自開

北橋春舫

北橋橋下春水生畫橈兩兩蛟龍爭晚風樓畔
珠簾捲倚棹何人聽玉笙

西塔暮鍾

出外斜陽紫翠浮相輪無影半空秋晚鍾吹落
人間去一抹青煙澹未收

樵嵐秋稼

樵溪水出蓮花山平疇穠稔白雲寒田家太平
豈有象社酒鷄豚常盡歡

熙春朝陽

會景亭西曉獨登晨曦一上萬山清滿城桃李

春如繡人在金鰲頂上行

杭川八景

君山霽雪

誰把琪花散碧霄千岩萬壑總瓊瑤支願正好
吟詩句莫遣東風一夜消

仙岡暮靄

霏霏暝色滿山城隱隱岩霏帶晚晴試問仙人
何處是數聲樵唱不勝情

九峰晴旭

朵朵芙蓉倚碧天溪光嵐影藹晴煙望中佳致
堪圖畫疑在匡廬五老前

七里春濤

滾滾桃花浪拍空茫茫東去勢何雄禹門三級
渾如許應有潛鱗此化龍

雲岩書燈

曾伴先生共夜闌時留餘焰在雲端自從折桂
蟾宮去賸馥殘膏幾歲寒

月庵鍾鼓

雪滿長空月滿樓
鼓鍾聲裏夜光浮
懸知老衲無餘事
長祝皇圖億萬秋

烏洲漁唱

扁舟一葉任西東
煙水微茫處處同
釣罷歸來無箇事
數聲欸乃夕陽中

龍灘棹歌

潺潺石灘急如弦
靈物曾從此處眠
最是短篷煙雨裏
長歌一曲水連天

謝子安之江右求葬師

千里間關覓葬師
青山多在白雲西
秋風滿道吹紅葉
何處逢人問楚溪

家在煙嵐五縣間
碧榕橋下水潺潺
朝來雨過秋如洗
寫出江南一幅山

題牛背醉歸圖

社散田頭日欲晡
平坡煙暖草如鋪
醉來祇坐烏犍背
歸去花村不用扶

歲久携家住白雲
春風行樂任天真
頽然醉貌衣冠古
應是山門鹿下人

雲山小景

天上香風拂彩橋
雲霞宮館鬱岩堯
行從白鶴山頭過
吹動仙人紫玉簫

題烏江廟

昔云耻向東吳再起兵者項王之徒勇卷土重來未可知者亞

父之迷復予因評之

五色龍文應漢王
項家徒用力爭強
不知麾下無人傑
卷土重來亦是亡

題錢清渠

父老何知太守賢
宵無麗吹卽安眠
當時不作歸裝累
更莫輕持一大錢

於越

沃土連雲富稻梁
十年生聚信能彊
扁舟不見鳴夷面
獨上高臺釣越王

會稽山

安宅茫茫宅上都
東南萬里播鑿輿
遙觀禹穴雲如海
玉帛繽紛上計書

柯亭

金碧樓臺宅梵王
柯亭無處問中郎
何當截取

如椽幹吹起崑丘紫鳳凰

霽月

寒愛春來暑愛秋水長山遠白人頭天時自有
清涼日霽月如銀獨上樓
飛瀑潄潄瀉碧岑野橋分路入雲深三椽草屋
長松下應有先生抱膝吟

題摘枝海棠

展卷還教蜀客疑半含清露濕臙脂草堂二月
花無數開透春風未有詩

五月調兵赴綏陽

五月南征亟出師黃塵眯目汗流衣衰翁偃仰
猶嫌暑慚愧軍中幾日歸

五月農家半未畊更聞田鼠食苗萌轅門昨夜
飛書急十戶三人赴調兵

五月公私乏見儲師徒野掠竟何如自憐無力
操戈從未敢偷安飽飯居

五月炎蒸日似年金龍山下有林泉不知杖錫
何時去裹飯從師借榻眠

李遵道枯木竹石圖

老樹槎牙倚半空
蒼筠葉葉帶秋風
欲將歲晚論心事
遙憶美人江水東

夜中忽雨

歲惡無鄰堪乞糴
時艱何地可移民
秋來一夜江南雨
不責空因活餓人

五言絕句

越王臺

臺枕荒丘古
蕭蕭草木秋
遺來輦輅跡
傳屬越

王遊

放歌臺

堂構新池上
間來放浩歌
陽春元寡和
夜月許誰過

西窓晝雨

三春驚過半
霽雨洒窓西
鵲腦添爐炷
春鳩隔樹啼

春竹

花落東皇暮
春江深復深
雙柑携向客
斗酒聽

鳴禽

看泉

竹樹柴門古重陰
眉女蘿裘徧谿逕
曲瀑布下巖阿

雪舟獨泛

玉樹聳長空
瓊瑤萬壑封
夷猶冰鏡裡
詩思霸橋東

納涼

避暑到重陰
奚奴挾素琴
南薰時自至
灌木響

鳴禽

春竹

巖曲瀉鳴泉
風花萬樹妍
交筇連袂去
踏草興悠然

老僧翻經

趺坐傍雲根
圓空慧性存
法華堆自展
難與世人論

野橋

選勝野橋邊
疎松似鼓絃
亭幽當水曲
林際起

秋烟

放棹

天清一棹遠
楓老葉如花
溯到芙蓉渚
遙空見鴈斜

雪

瓊瑤天半聳
風急六花飛
寂莫無人境
孤舟傍釣磯

夕泛

秋淨山如拭
江清一棹橫
挂帆延暮眺
跌坐待

潮生

野望

寒江一棹遠
接岬板橋斜
獨往乘幽興
何妨去路賒

秋聲集卷之四終



